

十朝东华录

十朝东华录

秋七月壬寅諭軍機大臣等與奎奏剿辦三族賊番一摺據稱伊等帶兵追趕賊番自什噶干至章龍騰兩處殲賊五十餘名生擒賊目一名可見番賊無甚伎倆向易辦理至尖木贊始則詐許縛獻賊目既而躲避今又聚眾屯紮實屬可惡見經探明在朱八崖地方自應設法剿辦以示懲創惟據內稱先將尖木贊剿辦後再折回進剿沙卜浪番族殊未明晰若如所奏豈非置逃往沙卜浪之三族賊番於後路不可不加意防範該處道路情形著繪圖陳奏此次敗殘餘匪既逃往沙卜浪大族中自須加以剿辦但野番族類眾多止須備以兵威令其將在逃賊目縛獻即可撤兵斷無將番賊聚行戮戮之理與奎等應酌量妥辦○癸卯諭翰林院每逢直日之期將修撰編檢等官輪班帶領引見原係照例奉行其實引見時亦並未加甄別因思乾隆年間本係隔數年後始將翰林等輪帶一周今則竟成常例未免虛應故事嗣後著於每屆恩科正科鄉試之年仍將修撰編檢等官輪班帶領引見朕得識記其人以備簡用其尋常年分不必帶領引見著為令○甲辰諭吏部奏議處廣音等一摺此次廣音等將尋常陳奏事件率意於晚膳後呈遞貌似急公實則心存怠惰是日該衙門本在國奏事伊等原欲將此事一併陳奏特因早間具奏不及又慮次日陳奏必須早起赴園是以就近即在朝房內繕辦奏摺候至晚膳後呈遞既見其勤於辦公又得安心進城明早可以高臥其巧為偷安實難逃朕洞鑒然使所奏之事果稍關緊要朕不過量加訓飭必不即予處分今廣音等所奏此係訪獲緝拿國賊案犯可作耳目之人有何緊急立候施行乃紛然率詣宮門非時入奏殊乖體制吏部議將謬出主見之左都御史廣音降三級調用因本有革職留任處分即行革任其隨同附和之副都御史潤祥等降三級留任無庸議抵皆屬咎所應得本當照此施行但恐外間無識之徒不知廣音等以怠惰獲咎但知其陳奏非時致罹降革由是妄生揣摩或謂天氣暑熱慮朕煩託詞仰體將應行陳奏事件亦復展轉匿閣又涉玩延則大不識朕敦幾勤政之苦心是以格外施恩曲予寬貸廣音本係侍衛處出身嗣經升任刑部司員擢至刑部堂官歷來皆係隨眾辦事向不露短自擢任左都御史後年老懶惰又不曉事何堪復任臺長廣音著退出左都御史伊於旗務向所請悉著加恩留正藍旗漢軍都統之任所有降三級調用處分著改為降二級留任潤祥長琇邵洪陳崇本四人應行降三級留任處分著改為降一級留任所有左都御史員缺著宜興補授宜興未到任之先著德瑛暫行署理○乙巳以故琉球國中山王尙溫孫源襲爵命翰林院編修齊鍾工科給事中費錫章往封○戊申新修玉牒成○癸丑御史徐國枏奏請敕國史館增輯列傳並續修天文等志下大學士六部尚書本館總裁議奏尋議歷代史例以紀傳表志為綱而列傳內有儒林文苑循吏孝友列女上司四裔名目我朝文教覃敷允宜哀其事蹟垂示將來至天文等十四志自雍正十三年以前俱已詳載但成書逾七十餘年亦應續修均應如所請從之○以常安為湖北布政使

由烏里雅蘇台參贊大臣選

○甲寅移貯

列朝硃筆於太和殿東夾室○乙卯諭昨據都察院奏御史濟蘭明恆文惠三人數月以來皆因患病不克進署請旨開缺一摺當經降旨交軍機大臣查明該御史等本年京察

等第及患病以來各月分並任內有無條奏事件茲據處往等查明開單呈覽朕披閱單內濟蘭等皆自本年正月以來至今未經到署是其患病已久自應據實呈明請假調理乃半年以來僅隨時呈告暫假希冀例不咨部可免開缺明係戀職取巧卽此一節已難勝御史之任至該三員內濟蘭會經條奏二事俱經部駁不准其明恆所奏請添派員弁護送御寶一事雖經准行亦不得謂之建白至文惠則並無條奏見在既皆患病屬實豈可濫竽充數要惟查該三員年歲均未至衰邁若果調理就愈尙可當差無庸遽予罷斥濟蘭明恆文惠均著將御史開缺仍交部議處俟病痊後著吏部帶領引見候旨若至本年十二月初間尙不能痊本旗具奏候旨至都察院職司風憲豈容有此疎曠之員廖音前在左都御史任內雖於該三員本年京察等第分別降改尙無不合惟明知其患病日久尙不奏請開缺直至德瑛署任之後始行據實查明辦理可見廣音本人懶散性成焉能正人之忘情廢弛著交部議處其副都御史潤祥等皆旅進旅退之輩見於德瑛具奏之時止得隨同刻銜亦不值交議竟著寬免○戊午 上啓鑾秋獵木蘭○免經過地方額賦十分之三○己未諭軍機大臣等長齡奏兼程赴蘭州接印督催續調各官兵迅剿賊番一摺前據興奎等奏勦辦三族賊番斃擒賊匪多名似已辦有端緒今遲逾數月又經續調官兵迄未辦竣看來尙無把握貢楚克扎布尙未經歷行陣興奎雖曾從戎行但並未統率師千獨當一面恐於剿捕機宜未能深悉長齡會經督兵勦辦教匪那彥成亦曾帶兵打仗所有勦捕賊番一事長齡馳抵蘭州後察探情形如興奎在彼辦理此事並無未協卽著長齡那彥成幫同經理貢楚克扎布著同京請訓再赴察哈爾新任若興奎在彼不能得力卽將興奎撤回其勦捕事務責成長齡那彥成專辦伊二人自揣辦理未能裕不坊奏明另派大員前往會辦以期迅速集事○免直隸安州等十七州縣通賦○庚申署直隸總督溫承惠奏永定河南岸七汛原設州同州判縣丞七缺北岸八汛僅有縣丞一缺餘皆巡檢主簿嘉慶六年以後北岸情形與南岸無異汛官階級懸殊應酌量就河缺更換以昭慎重下吏部議尋議改武清宛平良鄉固安永清五縣主簿爲縣丞涿霸二州巡檢爲州判分置北岸各汛其玉田元城正定管河縣丞分防南岸之東安武清縣丞均改爲主簿霸州管河州判霸州定河州判俱改爲巡檢從之○甲子 上駐蹕避暑山莊○乙丑以江蘇安徽水災命截留江西湖南湖北漕米三十萬石備糶○以科布多杜爾伯特等出卡游牧命烏里雅蘇台將軍成寬籌建十倫以杜侵占

八月庚辰免四川叛兵滋擾之達縣額賦○乙酉 上自避暑山莊巡幸木蘭行圍○丙申諭據興奎貢楚克扎布奏派兵往拿尖木贊措置失宜懇請從嚴治罪一摺尖木贊原係種地納糧生番尙來辦理番案多用伊爲綫索其素性本屬狡黠此次勦捕賊番興奎等派員前往曉諭令其擒拿賊目尖木贊始而疑懼躲避嗣因通丁往喚尖木贊隨卽來營面見興奎等情願出力旋經引同官兵打仗迨至六月十五日率同番眾潛回復於二十四日率領五族番眾投首並聲明前次因餘賊欲行搶害家口是以馳回照料後因幫貼烏拉運送官糧約於二十八日在甘壩引路進剿沙卜浪番賊屆時如期而至是尖木贊並無違逆情事興奎與眾商

議擬於剿辦番賊歲事再將尖木贊功過明白宣示所見甚是乃貢楚克扎布忽於是夜派兵往擊以致尖木贊逃逸無蹤辦理實屬錯謬試思尖木贊既已如期投至若果須設法擒拿亦不難於伊來營時就便拘縛今尖木贊本屬恭順且既允其隨營自效又派兵往擊已不足以示信迨至尖木贊棄間逃逸緝捕無蹤又不足以示威貢楚克扎布如此措置乖謬失信損威實屬咎有應得著即革職來京交軍機大臣會同刑部議罪具奏與全身爲統領於貢楚克扎布違廳妄擊之處未能攔阻又未據實參奏亦有不合交軍機大臣會同行在兵部議處具奏○諭軍機大臣等阿林保奏舟師過台攻擊朱潰大獲勝仗一摺此次朱潰在大雞龍洋面遊奕經王得祿督率舟師攻擊奪獲盜船九隻殲斃賊匪多名頗爲奮勇朱潰係積年盜首若能將該逆擒獲則是海洋除一巨寇必當渾沛恩施至另片奏蔡逆駛過東獅洋面北竄見在許松年周國泰孫大剛率師由北而南正可迎頭截擊阿林保當督催該鎮將等上緊迎剿毋予以暇如能將蔡逆擒獲朕必優加獎賞○是月河南巡撫馬慧裕奏謝留任得旨汝總以顏檢爲戒以初彭端爲法必能承承恩眷爲大員者非一清字所能該括勉思整飭吏治爲要姑息二字切須痛改勉之

九月己亥朔准浙江前任翰林院侍講梁同書重赴鹿鳴宴賞侍講學士銜○壬寅諭據成格奏伊族弟清安見補盛京禮部員外郎請旨回避著交吏部將清安與盛京別部員外郎籤掣調補嗣後盛京五部官員有似此應行回避者即著與別部掣籤對調著爲令○諭軍機大臣等與奎奏官兵攻破沙卜浪番族焚毀賊巢剿捕殆盡並收撫投誠番族一摺沙卜浪人數最多素稱兇橫今經官兵屢次攻擊殲擒多名餘匪散竄是番族中之強橫者已加懲創其餘各番服陸續乞降接踵而至自俱已震懾軍威聞風膽落既知畏法斂戢即可凱撤歲事與奎等當酌量妥辦勿致稍稽時日至番賊內有蒙古十一人隨同打仗已於擒獲後審明正法所辦甚是仍當通行曉諭青海蒙古王公扎薩克等以爾等自 世宗憲皇帝年間輸誠納款列入版圖世荷養至優極渥大皇帝嘉爾恭順是以每遇番族擾及輒徵調官兵驅逐不惜帑金皆係因患愛蒙古曲加保護爾蒙古具有天良方感戴之不遑何至去而從賊乃此次剿捕番族竟有蒙古在內訊係攜眷投入或被掠入夥均隨同打仗殊出情理之外該王公等失察之咎無可解免本應予以懲處俾知儆戒今蒙大皇帝格外施恩俯念爾等係糊塗蒙古且從賊之犯必係爾等屬下尤爲不肖者已將該犯等訊明正法將爾等失察罪愆從寬免議爾等當知感愧嚴行管束屬下人等務各安分守法長此蒙恩德復滋事必當分別治罪不能再恕其各懷遵毋忽又據稱尖木贊逃往竹林壩一帶老林藏匿與奎等既探明蹤迹即當曉諭降番令其將伊獻出以憑覈辦○甲辰福州將軍賽冲阿奏官兵在雞籠洋截剿朱潰大獲勝仗得旨嘉獎○丙午 上駐蹕避暑山莊○丁未賜暹羅國王鄭華敕諭曰嘉慶十二年九月據兩廣總督吳熊光奏稱有船商金協順陳敬發裝載暹羅國貨物來粵貿易並請於起貨後裝載粵省貨物回赴暹羅經地方官查明金協順係福建同安縣人陳敬發係廣東澄海縣人飭傳暹羅國貢使不雅史滑釐詢問據稱金協順陳敬發二船委係由該國新造來粵因該國民人不諳營運是以多倩福潮船戶代駕並冒捏呈遞譯書稟結等情天朝綏懷藩

服准令外域民人赴內地懋遷貨物惠逮遠人恩至渥也惟是中外之限申畫釐然設關議禁古有明訓我朝撫御諸邦如朝鮮越南琉球等國各以本地物產來中土貿易皆係其本國民人附朝貢之便齎帶前來從未有中國之人代彼經紀者今金協順陳徵發以閩廣商民代運羅營運即屬違禁中土良民謹守法度斷不敢越制牟利其私涉外域者此中良莠不齊設將販運貨物隱匿拖欠致啟訟端亦於該國諸多未便本應將金協順等飭拏治罪念其船隻係由該國製造給令代駕從前未經嚴立科條此次且從寬免究並施恩准其起貨售兌仍給照令其置貨回帆特降敕諭知該國王宣明例禁嗣後該國王如有自置貨船務用本國人管駕專差官目帶領同來以爲信驗不得再交中國民人營運若經此次敕禁之後仍有私交內地商民冒託往來者經關津官吏等查出除不准進口起貨外仍將該奸商治罪該國王亦難辭違例之咎柔遠能邇寬既往以示宏宏之義宅中馭外申明禁以嚴踰越之防爾國王其懍遵毋忽特諭○以方受疇爲直隸布政使調素納爲直隸按察使以陳祁爲陝西按察使

由陝安道運

○辛亥

上自避暑山莊回鑾○諭溫承惠等奏浞沔隄河各工告成恭請鑒與巡視一摺浞沔隄河各工關繫畿輔水利我

皇考高宗

純皇帝法駕頻臨躬親周覽舉凡宣防要術悉秉睿謀爲億姓之所利賴自嘉慶六年雨水過多隄河間有衝潰特發內府帑金六十萬兩飭令鳩工疏治用以保護民舍田廬俾得安瀾示慶茲因修築竣事署總督溫承惠學政劉鏞之提督色克通阿鹽政李如枚合詞籲懇請於來春鑒與巡視自應俯如所請敬紹先讓省方敷治著諒吉於明春三月初五日啟禋恭謁東陵取道

南苑巡幸浞沔四月初二日還宮所有一切事宜著各該衙門查照向例先期豫備○甲寅上閱古北口兵○諭興奎等奏查番族震懾軍威投誠歸命並番目尖木贊來營投首邊境枚甯一摺覽奏俱悉番眾賦性蠢頑間有一二匪徒鼠竊狗偷掠掠性獸向所不免乃本年春夏之間該番賊等竟敢肆意攘奪擾及邊民爲害行旅實屬孽由自作罪不容誅是以調集官兵頒發帑項飭令聲罪致討經官兵節次攻擊殲擒賊犯多名該番眾等畏懼之降聞風踵至其沙卜浪一族在番眾中最爲强悍官兵痛加殲戮焚毀賊巢該番族喪膽驚魂頭目完木古等懇乞大喇嘛諾爾布帶領詣營投首乞命頂經發誓不敢再滋事端並據該喇嘛出具甘結保狀是該番眾畏威悔罪實出至誠前經疊降諭旨以番眾良莠不一務須分別剿撫原不欲率庭掃穴將番族悉予殲除今既震懾投誠自應法外施仁寬其一綫仍著興奎等諭令延嘉呼圖克圖等向番眾明白曉示自此大曲從寬寬之後務各安分守法儻再作奸犯科必當重加懲辦至番目尖木贊因從前屢次辦理番案當差出力曾經賞給翎頂身受厚恩此次賊番滋擾理宜力圖報稱乃始則隨營效力繼又乘間脫逃雖據興奎等傳訊該番目幫貼烏拉運送糧餉並無叛逆情事即伊姪才楞所供該番目豫備抗拒官兵分受贓物等事亦訊係挾嫌污蔑止因貢楚克扎布輕聽浮言妄行捕捉是以避匿遠颺但該番目既自問並無罪愆於貢楚克扎布派兵往拏時即應自行投案何至遽行逃遁本應褫革示懲姑念其旋即來營著從寬摘取翎支降爲七品頂帶仍令其照舊當差並傳知該番目嗣後如果倍加感奮管束各番眾安靜敏戢二三年後仍當奏請恩施賞換翎頂若再不知愧勉

致番戢故智復萌或有滋擾情事卽將伊從嚴治罪決不姑貸此時番境甯輯邊塞肅清前調官兵卽可全行凱撤與奎長齡那彥成於旋抵貴德籌議善後章程復卽著各回本任興奎自調赴西甯督辦軍務尙爲妥協本應加以獎敘惟伊於貢楚克扎布妄擊尖木贊一事不能阻止又不據實劾參實有應得之咎前已有旨令軍機大臣會同行在兵部議處具奏當經軍機大臣等議以革職旨令於軍務告蒞時再行覈辦茲念其帶兵出力功過尙足相抵著加恩免其革職毋庸交部議敘長齡那彥成均馳抵軍營未久旋即竣事亦無庸交部議敘○實授溫承惠直隸總督○丙辰 上還京師○己未諭軍機大臣等吳璥奏請疏挑微山湖上游牛頭河以裕儲蓄一摺微湖蓄水向賴牛頭河所受各州縣積水由南陽昭陽二湖灌輸方能充沛今據查牛頭河淤塞不通此係微湖受病之由不可不趕緊疏濬吳璥歷查舊案奏請興辦自應如所議行惟據另片奏稱該河自淤塞之後魚臺湖湖汊多有占種湖灘視爲恆產一經挑通則湖灘不能耕種遂以該邑地處下游恐成澤國控阻等語挑挖牛頭河淤塞湖汊關繫濟漕要務豈得因刁民控阻因循不辦著吳璥會同該撫示諭居民以地方辦理公事爲國卽以爲民斷無因爾等貪圖小利置公事於不辦之理況牛頭河係百年來舊有之河從前深通卽未淹及該縣見在淤塞之後不敷濟運關繫繁重爾等濱河灘地本非應行耕種之區卽間有被淹於閭閻民田毫無干涉而上游之濟甯金鄉等處積水轉得疏消實爲有利無害此時事在必行斷不能徇爾等之請如此明白曉諭居民等自不至仍前阻撓吳璥卽會同該撫派委委員估計興工無致有草率虛冒之弊○命嗣後遠支宗室總族長照近支例以王公充補○辛酉諭上年直隸省州縣句申司書侵吞庫項一案當經降旨以各犯侵盜之多寡定罪名之輕重將侵銀二萬兩以上者立置重典侵銀一萬兩以上者亦於上年秋審予以句決尙有侵在一萬兩以下之陳錫鈺等五犯亦俱問擬斬候入於本年秋審情實辦理各該犯串通書吏肆意侵吞其蒙蔽分肥情節均屬罪無可追特以朕上年定讞此案悉遵照從前 皇考高宗純皇帝辦理甘肅捏災冒賑之例分別問擬查前此捏冒案內侵銀不及一萬兩之各官犯四十餘名亦經刑部問擬情實均蒙 皇考法外施仁免死發遣茲陳錫鈺等情罪與前案相類亦尙可寬以一錢所有直隸省侵帑案內各官犯除徐承勳一名業經病故外陳錫鈺馬河戴書培魏廷鑑四犯著加恩免其句決發往黑龍江充當苦差此乃朕祇遜 前謨於無可寬貸之中曲爲寬宥嗣後各省州縣等益當激發天良奉公守法毋請寬典之可屢邀也○壬戌諭軍機大臣等伯麟奏緬甸遣使投文懇求援助遵旨曉諭該國王一摺所辦甚是天朝撫綏外藩一視同仁斷無偏助之理緬甸與暹羅同列藩服彼此稱兵構釁觸相爭惟當置之不問若此時允緬甸之請遽爲出兵援助設暹羅亦復遣使敏關求救彼時又將何以處之伯麟遵奉前旨於該國王遣孟幹授文之時卽行明白曉諭並將從前刀派功私帶兵練出境本屬有罪之人禍由自取不能因一越境滋事之土司與師問罪其召三並非天朝會賞官職之人此時被戕於腊驅逐入山無庸過問所駁詞嚴義正甚爲得體諒該國接此照會自未敢再行瀆求至摺內稱探聞九龍江車里土司之堂弟刀永和慮至緬甸該國欲將刀永和送回九龍江仍充土司等語刀永和係謀

殺土弁刀大昌案內逸犯此時或即係該犯在彼布散謠言希圖構釁亦未可定如果見在緬甸自應將該犯罪案緣由飭知該國王令其縛獻以便按法懲治○甲子諭馬慧裕奏魯山安陽兩邑士民呈請爲已革知縣吳昭捐復原官據情代奏一摺所奏非是吳昭前在河南安陽縣任內因舊案革職後發往烏魯木齊其罪本無可貸彼時因馬慧裕奏稱該員居官素好有該邑士民呈請代爲贖罪特經降旨允准已屬格外施恩今該撫又以魯山安陽兩邑士民愛戴該員代爲具呈捐復率行據情入告希冀風准實屬不成政體官員革職開復自有定例非地方民人所得干與若因該士民之請動輒准行是在任者既可因託告而去官面離任者又可因代捐而復任官職之去留小民得持其長短國家子奪之權安在馬慧裕係進士出身庶人不議一語會未知耶此卽官員等平日實有政聲輿情愛戴真切尙不可行況外省不肖劣員工於作僞或平日與地方紳衿往來交結及其緣事罷斥紳衿等遂爲之設法營救計出於此亦未可知不可不防其漸總由馬慧裕平日辦事疲輒接據此等呈詞不行駁斥轉爲之具摺申請所奏斷不可行馬慧裕著傳旨嚴行申飭○閩浙總督阿林保奏請將温州府樂清縣屬外洋東白等六山改隸玉環廳版圖洋面歸玉環管轄下部議行○乙丑嚴禁八旗抱養民子爲嗣禁亂旗籍○丁卯諭本日德文李鈞簡奏請挑修張家灣正河以復運道一摺據稱運河到處流沙不能建設開座全賴河形灣曲蓄水濟運今康家溝水一直下注北高南下本年暫用濟運已多溜激坎阻等事請於十月內擇吉興工挑修張家灣正河堵築康家溝抄河以資經久等語自係實在情形著溫承惠迅卽委員估勘動項興工務於年內趕完俾新溝得以暢行無阻○復鐵係一品頂帶花翎

冬十月庚午改湖南古丈坪都司歸提督專轄○癸酉禁民人私入番地及蒙古人改用番子服色並清查戶口○辛巳諭副都御史潤祥條奏請於御門之日准令通政使以下三品京堂一體侍班一摺所奏非是御門聽政乃相沿舊典其列名進本及應行侍班陪奏之員於讀本宣旨時均已退班惟大學士等數人面承諭旨此外各員並不與聞今該副都御史請令通政使以下三品京堂一體人侍以爲於勤政有裨是則徒務虛文而已朕日理萬幾動求宵旰並非專待御門之期始綜理庶務況前經降旨諭令御門之日各部院衙門俱仍照常承辦無庸推班若三品京堂等有應行陳奏事件卽是日並不侍班原可具摺入告豈增一侍班卽爲勤政乎且京堂內尙有四五品者仍未一體侍班殊不畫一若槩令入侍則御圍規制與宮內寬狹不同勢不能令京堂各員儘數羅列該副都御史所奏不可行著無庸議○撥龍江西南關稅十萬兩於江蘇備賑○乙酉漕直隸南運河分洩各減河○庚寅諭朕本日承光熙傳膳辦事各部院衙門惟長麟因謝恩遲擢緣康文甯明亮等因該旗值日陳遞無事奏片其餘無一奏事者當於召對長麟時加以詢問據稱本日因恭移 實錄 聖訓至 皇史宬尊藏之第一日典禮吉期是以內閣刑部將刑名章奏均敬謹回遞等語皇史宬安奉 實錄 聖訓禮節固屬重大但非 慶典吉辰可比亦惟當侍進立決章奏其餘案件皆應奏聞若似此務取吉祥動行回避庶政豈不多所曠誤乎且本日除刑部外其餘各部院又有何回避不奏之故明係怠惰偷安憚於早作夙

夜匪懈以事一人諸臣竟弗知乎朕一日萬幾間敢驅逸凡有臨蒞之處批章召對與在宮內無異近年屢因諸臣於朕偶有臨蒞之處不行奏事節次訓飭並加以懲處諄諄教誡實已至再至三而諸臣積習相循一味自耽安逸轉似恐朕躬煩勞託爲仰體此正巧於偷安罔知振作者朕冬閒臨在各省各處皆係年例應在並非無事游觀朕若日事嬉游樂而忘返諸臣尙應諫阻豈可先自偷安是違君矣况瀛臺三海等處俱在皇城之內往返不過數刻如每次皆停止奏事則積壓繁多轉形叢脞成何事體在京各部院衙門咫尺禁延尙且相率怠惰不知勤劬又何况外省效尤滋甚於地方民事率皆疲玩不辦乎本日除內廷行走各大臣及到彼執事巡摺各員外其餘各部院堂官均著傳旨申飭並令伊等捫心自問果否無一應奏之事亦各知愧怍乎若將來再不悛改仍前怠玩必當嚴處不貸○辛卯加長麟恭阿拉太子太保○甲午以貴慶爲內閣學士由原○乙未罷武鄉會試內場策論改令默寫武經

十一月辛丑諭軍機大臣等鐵保等奏查勘南北兩岸黃水歸海去路籌堵陳家浦仍疏挑正河情形一摺並繪圖貼說進呈朕詳加披閱南岸陳家浦下游射陽湖一帶清水則無分洩去路不能再容全黃下注勢難就此導黃歸海其北岸佃湖池下由灌河歸海一路雖施工較南岸爲易但需銀至三四百萬兩之多兼之曠日持久一時未能竣事自不若堵閉陳家浦挽歸正河爲正辦鐵保等擬於陳家浦河面較窄之處建築壩基進占堵築使黃水仍歸故道既據稱辦理較有把握覈計需費在一百二十萬兩上下卽著定議疏策趁此冬令興工務於新正趕辦完竣俾尾閭宣洩深通方爲妥善所需銀兩卽照所請著該部在河南山東等省附近藩庫及江安兩省各關庫先行籌撥銀一百萬兩解工應用該督等竟應一人常駐工所督率工員一面挑挖正河一面購備物料認真覈實妥速辦理爲要又據另片奏堰圩壩塌工段分投議議等語堰圩堤壩各工隨時搶鑲撲護何至竟全行壩塌卽因疊次暴風猛烈人力難施但工段亦有新舊之別何以指內未據聲敘明晰涉蒙混如壩塌係屬舊工已在保固例限以外尙有可原若係新作工段旋即壩塌則是從前興修時偷減工料未能砌築堅實情弊顯然卽應賠罰示懲鐵保等當詳查壩塌處所分別新舊工段先行據實具奏仍一面速飭工員趕緊護護並豫購石料以備新春砌補俾資保衛○王寅朝鮮國王李玢懇處其國與邊民私市之商人並繳貨物上嘉其恭順優賚之○癸卯諭皇史宬建自前明四周石室中藏金匱我朝自定鼎以來因其舊制草藏五廟實錄聖訓實帙琅函以次排列茲恭編皇考高宗純皇帝實錄聖訓告成卷帙增倍特命所司重加修葺將金匱分列石臺誦言尊藏朕躬親瞻禮敬念我國家列聖相承六朝謨烈振古鏤今億萬斯年篤祜延釐正未有艾嗣後石室排列充盈卽著於兩配殿做照石室規制敬謹建造分貯奏業遵循永遠無替將此旨交內閣敬謹存記○甲辰天壇齋宮災○乙巳諭朕昨日詣瀛臺傳膳辦事惟步軍統領領奏事及值日之前鋒統領護軍統領等遞無事片其餘部院各衙門並無陳奏事件當於召見軍機大臣時詢及據稱是日恭請玉牒至大內恭閱並送往皇史宬尊藏在京文武大臣均應齊集迎送等語迎送

玉牒一事乃典禮攸關臣工等理宜敬謹齊集然各該管衙門果有應行陳奏事件即當權其緩急不得以分應齊集遂致延閣要務若該員等本無應奏之事自應躬親迎送用昭鉅典爰命戴衢亨托津前赴協和門逐一詳查開單呈覽齊集迎送者其屬寥寥朕勤求治理惟日夜孜孜節降旨訓諭飭令臣工等勉思無曠庶官夙夜匪懈之義丁甯告戒不啻至再三詎積習尚未肅除止圖安逸試令清夜捫心自問能無愧乎此而不加之懲處何以儆怠玩而肅官方因復命軍機大臣將未經齊集各員查明有無事故分晰開單具奏茲據查明文職大學士以下五品京堂以上武職都統副都統各員將迎送已到及有事未到無故不到者分別開單進呈除已到各員名單內大學士祿康等二十七員均無庸議外其有事未到名單內大學士費曄等二十七員或見有別項差使或見居服制均可不必置議此內惟宜興一員據稱因放皮襖賞未到監放皮襖賞共派拉旺多爾濟祿康宜興英和四人祿康是日即先至齊集處所拉旺多爾濟英和俱於隨往福臺後始往監賞可見宜興係屬藉詞即過至無故不到各員名單內尚書鄒炳泰等或指稱患病或稱批本審案或稱收本閱卷或稱挑甲辦書俱係託詞支飾宜興者與鄒炳泰等三十九員交吏部兵部都察院一併議處嗣後遇有 壇廟祭祀及朝會大典除實有差使及值班奏事各員不能分身前往外如有無故偷安不到者一經查出均著照例議處在廷諸臣經此番訓懲之後當共知儆惕痛改從前怠惰積習以副朕整飭教誨至意○已酉諭向來辦理刑名案件由該部審明後會同法司覆審定擬罪名及至朝審時復令九卿科道等集議委無絲毫疑實情罪尤當始定爰書由本道御史三覆奏始題請勾到而罪囚有臨刑呼冤者仍准覆加鞫訊原以綜理庶獄不厭精詳於明罰救法之中寓矜恤欽恤之意立法至為周備昨朝審勾到據監刑侍郎廣興等具奏殺犯鍾寬於臨刑時極口呼冤據供並無扶轡取徒情事前係番役誣賴在部亦未畫供是以未將該犯處決奏聞請旨等語朕以該犯既心未折服或案情竟未確實不可不覆加研鞫當經特派未經審辦此案之大學士慶桂等詳加提訊如該犯所供屬實自當昭雪其冤並將原審及妄拏官役參奏懲治倘係妄供狡展即當加重治罪茲據慶桂等奏提集犯證逐一研訊審明該犯扶轡傳呪並姦拐葛氏詭取法名葛氏之子官兒年甫十三所習呪語尙能記誦詎稱該犯為師祖其此架符呪等件該犯妻妾供證確鑿從前步軍統領衙門並未妄拏該犯在部時自行手印供詞實之同監人犯並無按指印模之事是該犯擬絞予勾本屬情罪當且於法司會審及九卿等朝審時俱俯首認罪並無一言及至鄉赴市曹忽鳴冤抑是其挾詐逞刁止圖苟延旦夕國家決因重典執法懲奸與眾共棄乃以毫無屈抑輒敢肆意呼冤妄希狡展實出情理之外若似此紛紛效尤尙復成何政體自應加等懲辦以昭炯戒今慶桂等議請將該犯改為斬立決應如所議辦理鍾寬一犯著先責四十板卽行正法仍派廣興奏繳前往監視行刑並著對眾宣示以該犯鍾寬所犯罪狀如止係姦拐其罪尙不至死原以該犯在輦轂之下假託扶轡念呪惑眾傳徒刑部照左道惑人為首律問擬絞候入於本年秋審情實至朝審勾到日覈其情罪法無可逭是以予勾該犯又於鄉赴市曹後極口呼冤經特派大臣覆訊案情確鑿與原供無異該犯居心狡詐妄希倖免刑誅並非

眞有冤抑因加重改擬斬決並先重責四十板立正典刑特明白宣諭俾眾人共見共聞平日各知守分畏法若身罹刑憲非詭詞狡展可以倖逃也朕聞朝審漸成具文九卿科道亦未必全到卽全到亦不發一言若有一人職設一案者臺廷而攻目爲多事此習至惡各宜痛改無負國恩而虛大典朕非喜多事之人但深恨模稜之輩耳嗣後內外間刑各衙門益思人命至重雖至獄成處決時有稍涉疑竇尙必爲之推鞠斷不肯稍有屈抑當承審重案之初卽應倍加詳愼務令罪人心口帖服方爲信讞設再遇有臨刑呼冤之犯仍應奏明重加詳勘果有覆盆之冤必立爲申雪將原審官照例懲治如係奸諂之徒罰當其辜而妄行翻異冀延顯戮亦必照此加等治罪以懲刁頑將此通諭知之○甲子諭朕閱平定三省邪匪方略內原任協辦大學士湖廣總督書麟前在軍營因見軍務歷時未竣心懷焦急臨戎涉險奮不顧身以致積勞病逝至今猶爲惻然因命交部旗查明伊身後有無贖項卽行具奏並據查奏該故員前在雲貴湖廣總督任內分賠攤賠各款除先於伊子吉耶阿伊姪素納名下扣繳不計外尙有未完銀二千零五十兩又本年精據滇省咨追分賠銅價銀二款共銀一千四百六十五兩其款項均係代賠屬員無著虧缺及因公攤賠銀兩非本任虧短者可比所有書麟名下未完賠項著加恩全行寬免無庸再於伊子伊姪名下扣繳以示朕軫念盡臣追加恩卹至意○丙寅定漢教習三年考試例○王綬以病解任轉萬承風爲禮部左侍郎調戴聯奎爲禮部右侍郎轉邵自昌爲兵部左侍郎以阮元爲兵部右侍郎

十二月癸酉諭朕披閱剿平三省邪匪方略內載慶成自派往軍營後隨同帶兵尙屬奮勉並帶有舊傷是以節次加恩用至將軍伊上年陛見來京朕於召對時詢以會否嘗帶雙眼花翎原因其從征有年素著勞績欲俟詢問明確後優予恩施不料伊希圖蒙混妄稱曾經賞給寬自蹈欺飾之咎特將伊遣戍示懲本年復經加恩賞給藍翎侍衛授爲圍場總管今追溯前勞念其獲咎之由止爲急於邀恩起見尙非必不可原展成著格外加恩賞給二等侍衛仍充圍場總管以示朕獎勵戒行有功必錄至意○諭朕披閱剿平三省邪匪方略從前湖北辦理軍需該督撫任聽局員濫支濫應而於餉項缺乏之際又不肯據實陳奏輒以通融辦理爲能嘉慶五年間朕因該省久未請餉曾經降旨詢問並不待該省奏請卽行頒發餉銀撥給鄰省米石截留漕糧俾資接濟彼時優什布於糧餉撥到之後又不以時給發遂致兵勇等向民間勒索任意滋擾幾致貽誤經朕降旨將優什布革職逮問大加整飭而昨據汪志伊章煦奏到湖北省積年未清倉庫錢糧摺內敘稱各州縣見在缺短之數多至六十八萬餘兩聲明致虧之由係因承辦軍需積欠賂墊是彼時伊等所謂通融辦理者不過將倉庫錢糧任意挪移其開浮支濫應無所不有皆係取給於此今計算節次所發湖北餉銀不啻數千萬兩見在查覈倉庫又復因此虧缺在見任各員皆係接收應任交代尙非本任虧短將來不過責令分賠已足示懲至從前經手之員率意挪移項其咎甚重非僅著落賠補卽可免罪著交汪志伊等查明彼時經手各員除分贖昭著如胡齊嵩業經抵法外其見在該省各員如有承辦軍需擅動倉庫虧缺數多爲厥所共知者著汪志伊等秉公確覈卽行指

名參奏治罪以示懲儆○丙子諭本年屆應舉行軍政之期兵部將在京之都統護軍統領副都統左右翼總兵暨儀使內務府護軍統領在外之駐防將軍都統副都統領隊大臣提督總兵分晰開繕履歷清單進呈朕詳加披閱內盛京將軍富俊自簡任以來潔己奉公辦理地方諸務俱能認真於所屬營伍亦能勤加訓練前年朕恭詣盛京祇謁祖陵又閱一載該處地方情形甚為甯帖自由該將軍經理得宜所致著加恩交部議敘西安將軍德楞泰因上年辦理甯陝叛匪事宜未能妥協革職留任八年無過方准開復見在已閱年餘陝省地方極為安輯所有伊等職留任處分著加恩開復伊犁將軍松筠簡授迄今六載安詳鎮靜邊境牧甯伊前在尚書任內本會加賞宮銜嗣經緣事革退茲仍加恩賞給太子少保銜副都統豐紳殷德前曾賞給公銜因被奎福控告止有一款屬實其餘重款皆虛當經革去公銜仍留三等輕車都尉上年復擢任副都統已及一載伊係固倫和孝公主額駙著加恩賞給伯爵銜副都統扎爾琿阿爾綰阿俱年逾六旬人亦平庸著以原品休致餘俱照舊供職○癸未以周興岱為兵部右侍郎馬慧裕為內閣學士調清安泰為河南巡撫以阮元為浙江巡撫由兵部右侍郎調○己丑章煦請假葬親以董教增署湖北巡撫鄂雲布護理安徽巡撫由布政使署○是歲琉球朝鮮兩掌入貢○會計天下民數數各省通共大小男婦三萬三千八百六萬二千四百二十九名口各省通共存倉米穀三千二十一萬八千一百八十二石三升五合九勺

嘉慶東華錄二十五

嘉慶十三年戊辰春正月己亥以來歲五旬萬壽詔舉恩科鄉會試○甲辰閩浙總督阿林保奏率獲蔡牽義子蔡三來等○丙辰諭向來內廷行走諸王例應每日進內入直惟念儀親王係朕之長兄見已年逾六十冬間天氣嚴寒夙興入直實覺勞瘁即時值夏令亦不免於暑熱允宜特加優恤以資頤養嗣後儀親王所管各處遇有值日奏事及帶領引見並應行慶賀時節仍照常進內呈遞膳牌其餘無事之日即不必進內仍照舊在內廷行走用示恩眷成親王俟將來年過六旬亦一體加恩至滿漢文武一品大臣在七十以上者遇奏事值班之期除仍遵照前年降旨遣人呈遞膳牌外交冬以後著於辰正進內交春以後著於辰初進內其內廷行走年逾七旬之大臣每日應入直者亦準此例至緇布見雖未屆七旬但年已六十有九筋力不能強健亦著如恩准照前例用示朕引年尚齒優待著臣至意○丁巳轉廣興為刑部左侍郎調穆克登額為刑部右侍郎以馬慧裕為盛京刑部侍郎由內閣學士調○戊午諭浙江提督李長庚宜力海洋忠勤勇敢不辭勞瘁著威聲數年以來因閩浙一帶洋盜滋事經朕特用為總統大員督率各鎮舟師在洋勤捕李長庚身先士卒銳意擒渠統兵在閩浙臺灣及粵省洋面往來跟剿艱苦備嘗破浪衝風實已數感寒暑每大趕土賊船無不痛加勦殺前後殲斃無數擒獲賊船多隻蔡逆亡魂喪膽畏懼已極聞李長庚兵船所至四處奔逃正在盼望大捷之際乃昨據阿林保等奏到李長庚於上年十二月二十四日由南澳洋面駛入粵洋追捕蔡逆望見賊船止艚三隻窮蹙已甚官兵專注蔡逆窮其所向追至黑水洋面已將蔡逆本船擊壞李長庚又用火攻船一隻乘風駛近挂住賊船後艚正可上

前擒獲忽暴風斗作兵船上下顛播李長庚奮勇攻捕賊船礮子中傷咽喉額角竟於二十五日未時身故覽奏爲之心搖手戰震悼之至朕於李長庚素未識面因其在洋出力臺經降旨褒嘉並許以奏報擒獲巨魁之時優予世職李長庚感激朕恩倍矢忠盡不意其功屆垂成之際臨陣捐軀朕披閱奏章不禁爲之墮淚李長庚辦賊有年所向克捷必能擒獲巨慝朕原欲俟捷音奏到將伊封授伯爵此時李長庚雖已身故而賊匪經伊連年痛剿之後殘敗已極勢不能再延殘喘指日舟師緊捕自當縛致渠魁況李長庚以提督大員總統各路舟師今歿於王事必當優加懲獎用示酬庸李長庚著加恩追封伯爵賞銀一千兩經理喪事並著於伊原籍同安縣地方官爲建立祠宇春秋祭祀其靈柩護到日著派巡撫張師誠親往同安代朕賜奠並查明伊子見有幾人其應襲封爵俟伊子服闋之日交該督照例送部引見承襲其李長庚任內各處分著悉予開復所有應得卹典仍著該部察例具奏以示朕篤念勞臣施恩無已至意尋子祭葬諡忠毅○諭軍機大臣等李長庚追賊身故係在粵省潮陽縣地方該地方官自己稟報吳熊光備知其詳因思王得祿本因朱潰匪船逃竄粵洋跟蹤追捕並與錢孟虎會合辦理今王得祿既經前往追剿蔡逆則朱逆一路必須大員專辦且蔡逆見既逃至粵洋恐有與朱潰盜船勾結之事著吳熊光飭知錢夢虎即責成該提督統率所帶粵省兵船專剿朱潰一股杜其與蔡逆勾結一路此爲最要又諭李長庚此次究因猛於攻敵猝然被害阿林保仍當密飭王得祿等於猛勇之中加以慎重不可輕易冒險致涉疏虞但亦不得因李長庚受害稍形氣餒至水師見無總統之員阿林保見已前往廈門漳州一帶即著阿林保擇要駐紮調度一切再見訊蔡三來鄭昌所供蔡逆本船所挂牛皮網紗多層於接仗時汲取海水淋溼礮火不能驟入必須兵船四面圍攏先用長柄鉤鏢將網紗牛皮拉去再用礮火一轟全船賊眾可以殲獲等語此時王得祿等兵船自應多備長柄鉤鏢以便應用

二月丁卯朔命 皇次子釋奠

先師孔子○戊辰諭莊靜固倫公主莊敬和碩公主自下嫁後尚未赴游牧拜其祖塋著加恩准

其各赴該游牧展拜並著該部院各衙門查例具奏令各起程○己巳命山東運河各工仍歸沿河各州縣衛疏濬○定新疆卡倫回京侍衛章京六年更派例○庚午 上御經筵○癸酉四川總督劉保奏囑隴麻里野番嚮化投誠請入版圖賞給長官司印信得旨允行○乙亥諭據長齡等會議青海辦事大臣請照舊制仍駐紮西甯一摺所議是青海辦事大臣管轄地方遼闊從前定制駐紮西甯原以該郡城爲各路適中之地控制較爲得力若移駐貴德等處其於番地較近者雖易於震懾而以全局而論則相距寫遠之地鞭長莫及及轉恐顧此失彼自不若仍循舊制定資鎮撫至該處黃河以北輪派兵六百名扼要駐守務令嚴密巡查遇有番賊竊掠等事隨時捕緝該大臣暨西甯河州二鎮並實力操防以靖邊圉不可稍有疏懈○諭軍機大臣等特清額奏途次接奉諭旨馳赴西藏頒賜達賴喇嘛等賞件並遵旨明白宣示一摺所論俱是此次呼畢勒罕出世諸多徵驗實爲吉事有祥殊堪嘉慰特清額馳抵西藏後當脫論班禪額爾德尼濟龍呼圖克圖等以從前指稱呼畢勒罕出世率多牽合附會或僅小著靈驗不足憑

信仰蒙 高宗純皇帝特賞金奔巴瓶飭令書名封貯誦經籤掣以防弊混今達賴喇嘛甫逾二歲異常聰慧早悟前身似此信而有徵洵爲從來所未有設當 高宗純皇帝時亦必立沛恩施無須復令貯瓶籤掣但此係僅見之事且徵驗確鑿毫無疑義嗣後自應仍照舊章不得援以爲例儻因稍有端倪即附會妄指一經查明必當治以虛捏之罪並著駐藏大臣等將此旨敬謹存記一體欽遵辦理仍著特清額於頒賞達賴喇嘛呼畢勒罕時令通事詢問試驗如何靈敏出眾之處將實在情形詳細覆奏○丙子子告大學士公保甯卒遣榮郡王縣億帶領侍衛十員往奠茶酒賞銀一千兩治喪子祭葬諡文端○丁丑諭我 皇考高宗純皇帝六次 巡幸江浙五次 巡幸淀津每於 鑾輅經臨豫 飭隨從之王公大臣以及官員兵丁等令各加意謹慎毋許收受餽遺藉端需索 訓誡詳明至爲諄切隨扈人等其始俱各懷遵 聖謨咸知檢束迨後大臣中即不免有簠簋不飭者而官員兵丁等亦遂相率效尤積久生玩本年朕巡幸淀津閱視隄河各工爲期不及一月此次翠華臨莅係於當年謁 陵秋獵之外特舉省方觀民之典或地方官等以事非常例欲藉餽遺以圖見好亟應嚴行飭禁所有隨從王大臣文武官員兵丁等惟當律已謹嚴潔清自愛不可稍有沾染此在不肖地方官吏不過僅備差差聯絡見情及至差竣後轉以供頓隨扈人眾爲詞嫁名漁利甚至派累閭閻侵虧倉庫其弊有不可勝言者與其懲創於事後何如教誡於事前凡隨從之王大臣官員兵丁等務各顧惜聲名保全官職儻遇地方官員餽送餽物不惟金帛等件當卻而弗受即些須食品亦當堅拒退還設該地方官於既經退卻之後仍復再三懇致即當據實參奏毋稍徇隱經此次訓諭後或隨從人等仍復私受餽遺一經發覺子者受者均當重治其罪莫謂言之不早各宜懷遵毋忽儻不聽訓諭任意婪索朕必執法嚴斷不寬恕○戊寅諭國家設官分職首重得人其人果能殫心厥職視國事如己事興利除害則庶政修舉而民生胥被其益朕孜孜圖治無日不以人才爲念有能實心宣力者無論內外大小滿漢臣工必逾格旌擢以風有位如辰沅永靖道傅霖由佐貳出身洊升道員歷任苗疆十有餘年勦除頑梗安撫善良前修建碣卡哨臺一千餘座均屯田士十二萬餘畝收恤難民十萬餘戶挑習屯練八千名收繳苗寨器械四萬餘件又復多方化導將苗民妄信師巫推牛聚眾強習禁止革除設立書院六處義學一百處近日苗民已知向學籲求分額考試所有風風乾州一帶邊界苗眾實已革面革心輯甯安堵凡該省歷任太員及在廷諸臣多稱係傅霖一人任勞任怨不顧身家盡心籌畫克臻完善朕久有所聞特因未識其人尚未特沛恩施本日召見傅霖見其人安詳諳練明白誠實洵屬傑出之才堪爲苗疆保障若各省官吏皆能如此實心任事何慮地方政治不日有起色傅霖著加恩賞給按察使銜即令其先換頂帶以示獎勵○定湖南鳳凰乾州永綏保靖四廳縣鄉試苗生中額一名○癸未陳家浦壩工合龍○甲申調蔣子蒲爲倉場侍郎以陳希曾爲工部右侍郎錢樞爲內閣學士少卿○戊子以顧德慶爲內閣學士○己丑以慶格爲江蘇按察使○王辰諭向例宗室犯罪流徙和罪名均各按等差折罰原因其系出天潢雖身罹罪辜仍爲之存顏面示區別也無如宗室中之不肖者不念國家愛護矜全之意轉若恃以無恐往往不恤廉恥恣

行不義及至按律懲治不過照常羈禁人不及見罔知愧惡罰輕生玩若非變通權衡使知所儆懼不足以挽回積習嗣後宗室除奉特旨圈禁者隨時酌辦外其有犯軍流徒枷等罪者著於折圖本例內議加板責數目自二十板至四十板先於宗人府衙門令該堂官看視以家法責處其圈禁月日轉可量為遞減著交管理宗人府王貝勒等詳察覈議奏上時著為定例此朕保護天潢不得已之苦心俾宗室人等咸知畏法懷刑不敢陷身匪僻從此羅罰者少即所全者眾也○乙未以明年五旬 萬壽豫飭直省督撫毋進獻珍玩

三月己亥 上親耕藉田○庚子 上落鑾謁 東陵並巡幸天津○免經過地方及天津府屬額賦十分之三○甲辰 上謁

昭西陵 孝陵 孝東陵 景陵 裕陵○壬子 上閱視千里長隄○免經過州縣及天津府屬十一年以前逋賦並直隸通省

十一年以前逋賦十分之二○癸丑命減直隸軍流以下罪○丙辰戴均元因病解任以徐端為江南河道總督賞那彥成三品頂

帶為江南副總河由西甯辦○戊午 上駐蹕天津府○賚畿南老民老婦○召史積容來京以朱紹曾為湖南布政使陞閩布政使

己未 上閱天津鎮兵○辛酉王嘉賓年老休致以梁敦懷為廣西按察使由四川鹽○壬戌賜召試一等龍汝言等六人舉人○

廣直隸歲試學額○癸亥免直隸民欠旗租銀○甲子 上回鑾○丙寅 上幸南苑行圍○以南河頻溢命協辦大學士長麟戴

衛亨往勘

夏四月戊辰 上還京師○癸酉以汪廷珍為內閣學士由太僕寺卿遷○庚辰 上閱健銳營兵○乙酉子故裕郡王高煥祭葬諡曰僖

○丙戌 皇后行躬桑禮○丁亥諭本月得皇長孫雲初兆慶奕葉延釐洵為吉祥喜事允宜加惠宮闈誠妃晉封為誠貴妃吉嬪

為莊妃信貴人為信嬪二阿哥之官女子那拉氏慶育皇孫加恩封為側室福晉○己丑改安徽宿州新設南平撫民同知為鳳翔

分防捕盜同知○庚寅諭一日萬幾豈可稍怠本月二十二二十三兩日內閣均未進呈刑名本章實屬非是雖因二十一日朕初

得皇長孫為國家茂衍蕃釐敬取吉祥但究於定制未協又涉怠於勤政况此次初得長孫宮中並未設席演劇諸事照常諸臣何

必如此迎合耶向來凡遇慶喜令辰將立決章奏暫緩呈進原有一定章程並無因誕育皇孫連日不進刑名本章之例設從前原

議章程內載有此條朕亦必早為刪除試思政務殷繁豈容稍有曠誤若止將立決章奏暫為緩進一日猶屬可行至於尋常刑名

事件即降旨後尚須俟次年秋審辦理且屆時亦有情實緩決之分此時何所避忌前日朕未見奏遞刑名本章已覺不愜乃待至

昨日猶未呈進實屬非是似此積壓頻仍勢必漸形叢脞朕敷敷勤政之意乎大學士等均著傳旨申飭嗣後不必如此揣摩朕

非好言祥瑞之主惟知勤政愛民耳再前此誕育四阿哥時在廷諸王公大臣均各呈遞如意四阿哥係朕登極後皇后誕生之子

臣工等抒忱展慶理所當然即前日諸臣等因皇長孫誕育亦皆呈遞如意朕因初慶抱孫特行賞收並於兩次俱同賞如意用示

錫祉聯情至此後慶育蕃昌正未有艾將來凡遇誕生皇子皇孫諸王公大臣等均不准呈遞如意違者治罪將此旨著內閣存記

並諭諸王公大臣等知之○辛卯賜吳信中等二百六十一人進士及第出身有差○命故大學士保甯將軍奎林射祀伊犁雙烈祠

五月丙申朔諭軍機大臣等勒保奏裁眉縣歸化汛卡外野夷滋事派兵查辦緣由一摺據稱該處野夷先於三月十三四等日潛由舊林出至歸化汛之鍋石岡等處焚掠滋擾嗣於本月初三四等日又由山後繞至太平堡所屬之花秋坪等處焚掠各該處被燒房屋不少並燒斃民人商賈等二十餘名擄去梁敬詩等六十餘丁口見經派往之道員鄭成基查明係遼山坪等支野夷並有羅同一帶熟夷在內入夥已就近派阜和協副將馬元帶兵五百名前往相機辦理等語野夷潛入內地滋擾膽敢焚燒房屋搶劫財物甚至傷掠人口甚多殊可痛恨必應大加懲創俾知畏懼並須剋期辦淨方免日久擾累勒保派馬元帶兵五百名前往查辦如兵力尙覺不敷不妨再派五百名前往合力勦辦庶聲威壯盛即可迅速了事其提督豐紳見在已由松潘回省應即令其趕緊前往督率辦理設另有需文員查辦之事臬司方積亦應飭令前往會同查辦至此次野夷糾眾不法是否實因口食無資是以勾結熟夷闖入內地搶掠抑或另有起釁別故務須詳晰查明其糾約人數較多必有爲首起事之人不可任令漏網再此內若有漢奸勾引尤當確切訪拏與爲首之人一併盡法處治不可輕縱總以從嚴辦理不至需緩爲要其各該處被難民戶並即督飭地方官妥爲撫恤免致失所○己亥授八十五歲之三甲進士王服經翰林院檢討○庚子諭朕勤求治理惟日孜孜不敢稍自暇逸疊經訓諭臣工恪勤供職以符夙夜匪懈之義乃竟因循疲玩置若罔聞本日各部院大臣因節屆端陽俱來園呈遞膳牌並無一陳奏事件者大屬非是端陽非如朝正鉅典萬壽慶辰例應虔申賀祝於應奏事宜得以量爲從緩若時值元旦萬壽慶辰亦斷不責令臣工呈進奏章致爲矯情之舉至於端陽不過爲屈原故事舊俗相沿實屬無關緊要非元旦可比諸臣竟因此延閣奏章其意或以爲天中節序未便奏事煩瀆謬爲仰體朕懷而於歷次訓誡之旨不知領會殊不知朕心轉爲不恆也向來端陽日內廷原有非當承應若值望雨之歲即行停罷若雨暘時若循例踵行且俱在披閱章奏召對廷臣事畢以後不過二三時即止於政務毫無妨礙此皆內外臣工所共見共聞者况甯使庶務稍繁多稍晷刻斷不因見值節日竟置公事於不辦也若本日有一二衙門奏事朕亦不遽加責備乃相率延閣轉增朕咎戾矣臣工等經朕再三訓飭之後尙不知力除積習若不加懲處不足以示儆戒因召見大學士及各部院堂官面加詢問據禮兵二部及都察院堂官僉稱本日實無應奏之事該部院衙門事務本簡即遇輪班值日亦往往呈遞無事奏片朕所素知尙非過節戶部於昨日甫經奏事內務府堂官亦稱本日實無應奏之件俱著免其議處至刑部爲刑名總匯案牘較繁本日例不進刑名本章而該堂官因此意存避忌於尋常事件亦不陳奏究屬拘泥若從寬交部察議其吏工二部不得謂事簡衙門今竟無一陳奏事件殊屬不合該二部堂官著交都察院吏部議處嗣後再有應奏不奏任意積壓不止議處必行革職勿謂不教而懲言出法隨絕無情面諸臣其慎之自十四年始每遇端陽俱不必推班仍照常值日奏事不必來園呈

遷全牌用副朕勤政救幾之意○癸卯論長麟戴衛亨奏勅明毛城鋪無庸修復並另籌宣洩之路以利漕運而防盛漲一摺據稱毛城鋪滾水壩因啓放日久河水下趨著重前經掣動大溜致成漫口經年累月始行堵合見在該壩東西相距五十餘丈口門寬廣一經啓放恐黃水建瓴而下不能循軌前進大隄難保無潰決之虞茲據康基田告稱天然開迤東數里地名十八里屯有前河臣靳輔所建石閘二座足以減黃利運當往勘明該處有小石山一座中峰兩旁有山縫二道東山縫內尙露舊時壩頂西山縫內業已積淤又復徧加採訪適有老民張姓指認帶領人夫刨挖已得原舊壩基該二閘每閘過水僅寬三丈有餘山石夾峙可保無奪溜衝決之患應請旨與修其毛城鋪石壩無庸辦理等語所辦甚好其摺內所敘情形並圖說亦皆明晰前此鐵保等請修毛城鋪原爲減黃利運起見但流弊甚多若竟照所議辦理不但工費浩繁且該處勢若建瓴口門寬廣將來啓放時必致一發莫禦下游潰決之患何所不至長麟戴衛亨於馳詣江境後因康基田告稱十八里屯地方舊有壩基足資宣洩即至彼確勘並又訪得一百三十餘歲之張姓老民令其指引人夫立將壩基刨出信而有徵於此修復舊規較之毛城鋪工程實屬事半功倍長麟戴衛亨能不遷就鐵保等原奏留心博訪措置得宜實爲可嘉俟工成後再行優敘至康基田曾任河臣近因年老改用京員此次派令隨往能將十八屯舊閘基址呈明辦理可見其平日留心河務深中窺要應予嘉獎康基田著加恩升賞道銜並賞戴花翎張姓老民年已一百三十餘歲尙能記憶壩座舊基帶人指認得濟要工亦屬可嘉伊從前自必得受旌賞著鐵保詳查如無頂帶即賞給七品頂帶再酌量賞銀數十兩並加賞大段二三四以示獎勵所有十八里屯修復舊閘並開挑引河打築隄岸等事俱著交該督等確估具奏於本年大汛後即行辦理務須認真督辦期收減黃利運之益不可草率其修復毛城鋪石壩之處無庸議○甲辰以宜興爲步軍統領特克慎爲左都御史慶惠爲理藩院右侍郎由副都統遷都○調成書爲兵部右侍郎以常福爲工部右侍郎○乙巳調多慶爲禮部右侍郎普恭爲兵部左侍郎○辛亥諭本日本大學士議奏不進刑部本單內朕詳加酌覈如親祭 奉先殿及恭進 玉牒傳敘殿筵宴宗室向不進本之日著改爲不進立決本至皇后千秋先一日初九尙在朕萬壽期內自應仍不進刑名本章其十一向不進刑名本之日亦改爲不進重辟本皇子皇孫誕日日期仍照舊進刑名本餘俱照所議行○丙辰諭長麟戴衛亨奏續勘王營減壩及兩岸大隄至海一路各工實在情形一摺並繪圖貼說進呈朕詳加披閱王營減壩原係掣溜滾水見在舊壩地勢既偏近黃河且自堵開決口後深塘積水施工甚難自應量爲改建著照所擬那置舊壩西首如式築作滾壩並添作石壩以爲重門保護之計所需工費應即令確估與修俾資宣洩至沿河兩岸大隄徐州以上既間有卑薄處所准揚所屬各工且多灘高隄矮山安海防等處更有灘與隄平僅賴子堰護持者勢須普律加培以昭慎重所需估修銀二百餘萬兩著准其先於兩淮運庫內提借銀四十萬兩交鐵保等派員先將揚屬隄工卑薄較甚各處於本年伏秋前趕緊加培務臻鞏固其餘稍緩之處仍分定段落覈定銀數於霜降後次第興工其雲梯關至海口一帶情形既經查明海口實在寬深並無阻遏形勢惟舊有隄堤之處河水平行散流